

ELIKAKATEAREN INFORMAZIOA (EKI): GARRANTZIA ETA LEGEZKO BETEBEHARRAK



361/2009 Errege Dekretuaren arabera, ustiategiaren titularrak hiltegiara helarazi beharko du hiltzera bidalitako animaliei dagokien elikakatearen informazioa (EKI).

Zer da EKI?

EKI edo elikakatearen informazioa abeltzaintza-ustiategiaren titularraren erantzukizunpeko adierazpena da. Dokumentu horretan, hiltegiara bidaliko diren ekoizpen-animaliei buruzko informazio garrantzitsua jasotzen da. Zehazki, elikadura-segurtasuna, animalien osasuna eta hilketaren unean animalien ongizatea bermatzeko beharrezkoak diren ustiategiari eta animaliei buruzko datuak biltzen ditu.

Zergatik da garrantzitsua EKI?

- 1 Elikagaien segurtasuna bermatzen du**
EKIak halabeharrezko informazioa ematen du osasun-arriskuak prebenitzeko eta ekoiztutako haragia azken kontsumitzailearentzat segurua dela ziurtatzeko.
- 2 Hiltegiko lana eta Albaitaritza-Zerbitzu Ofizialena errazten du**
EKIari esker, animalia edo lote bakoitzaren ikuskapen-mota zehatz daiteke, osasun-kontrolaren eraginkortasuna hobetuz.
- 3 Trazabilitatea hobetzen du**
Animaliaren historiala jatorritik sakrifiziora arte jarraitzeko aukera ematen du, elikagaien Europako trazabilitate-eskakizunak betez.
- 4 Gaixotasunak prebenitzen laguntzen du**
EBk prebentziozko ikuspegia eskatzen du animalien osasunaren arloan, zeinetan EKIa oinarritzko zutabea den.

Zer izan behar du EKIak?



Animaliaren edo lotearen identifikazioa



Osasun-egoera



Albaitaritzako tratamenduak eta kentze-aldiak



Analisi aipagarrien emaitzak



Elikadurari eta maneiatzeari buruzko informazioa



Titularrak sinatutako adierazpena, arrisku ezagunik ez dagoela aipatzeko

Eklari esker, hiltegiko operadoreak eta hiltegiko Albaitaritza-Zerbitzu Ofizialek hilketa antola dezakete, halabeharrezko ikuskapenak egin ditzakete eta haragia giza kontsumorako gai den zehaztu dezakete.

Hori guztia argi eta garbi erregistratu behar da eta eskura egongo da hiltegiak edo Agintaritzaren Eskudunak eskatzen duenean.

Ustiategiaren titularraren legezko betebeharrak

EKIa betetzeko, titularrak honako hauek bete beharko ditu:



Animaliaren egoera ona bermatzea

Haren identifikazioa, osasuna, ongizatea eta jatorria egiaztatuz, eta osasun-murrizketarik ez duela ziurtatuz. Egiaztatu behar da animaliak:

- Behar bezala identifikatuta daudela.
- Osasun-murrizketa duten eremuetatik ez datozela.
- Garbiak daudela eta ongizate- eta osasun-baldintza egokiak dituztela.



Erregistroak eguneratuta eduki

Albaitaritza-tratamenduei, elikadurari, maneiuari eta osasun-neurriei buruzko erregistroak eguneratuta edukitzea.



EKIa entregatzea hil baino lehen

Hiltegiko operadoreak nahitaez eskatu, egiaztatu eta horien arabera jardun beharko du; horregatik, ezinbestekoa da behar bezala eta epearen barruan entregatzea.

- **Epe orokorra:** EKIa animaliak hiltegiara iritsi aurretik edo animaliekin entregatzea.
- **24 ordu lehenagoko epe zorrotza, kasu berezi hauetan:**
 - Berriki tratamendua izan duten animalientzat (azkeneko 30 egunak).
 - Susmopeko ustiategietan edo kontrolpean daudenetan.
 - Zaintza eta desagerrarazte programa ofizialetan.
 - Konfiskazio ugarien ondoren.



Informazio aipagarri guztia ematea ikuskapenerako

Elikakatearen informazioa, besteak beste, kontuan hartuko da haragia giza kontsumorako gai den ala ez erabakitzeko.



GOGORATU!

EKIa EZ da izapide burokratiko bat, funtsezko tresna baizik honako hauek babesteko:

- Zure ustiategia.
- Animalia-osasuna.
- Osasun publikoa.
- Kontsumitzailearen konfiantza.

EKIa betetzea legezko betebeharra da, bai eta lanbide-erantzukizuna ere.

PUNTO KRITIKOA
Animaliak elikakateari buruzko informazio gabe iristen badira, operadoreak Albaitaritza-Zerbitzu Ofizialari jakinarazi beharko dio, eta honek hiltzea baimendu ahalko du, baina haragia ez da giza kontsumorako gaituta egongo informazio hori jasotzen ez den bitartean. Animalia iristen denetik 24 ordutan jasotzen ez bada, haragia giza kontsumorako ez-gai aitortuko da.

PUNTO KRITIKOA
Agintaritzaren Eskudunak neurriak hartuko dituzte animalien dokumentazioa edo informazioa zuzena ez denean edo Albaitaritza-Zerbitzu Ofiziala akatsera eraman dezakeenean.